



Rabu, 23 September 2021

Ogen: Masmur 34:15



Bulat Ukur Erbahan Perdamen



Perdamaian bukanlah sesuatu yang kau inginkan, itu sesuatu yang kau buat, sesuatu yang kau lakukan, sesuatu yang merupakan dirimu dan sesuatu yang kau berikan. Kata enda nuriken maka nggeluh senang ras situasi dame jadi sada sila tersirangken. Labo sinisuraken kita, ertina, kita ngenanami dame e labo erkiteken kalak sideban tapi kita ngenda erbahanca, ngelakokenca ras merekenca man doni enda, kita me dame e. Kehadirenta ibas erbage-bage situasi geluh mereken ketenengen ras dame, inanami kalak sideban erkiteken kita.

Bagenda me renungenta paksa enda, Pemasmur ngajuk kita gelah kita nadingeken kejahatan, ndalanken si mehuli ras bulat ukur erbahan perdamen. Teluna siituriken enda banci ikataken sada paket perbahanen singena ate Dibata, si la tersirangken sada ras sidebanna. Nadingken kejahatan tentuna erkiteken kita meteh apai simehuli ras sijahat, kenca e lit pilihenta eme nadingken si jahat ras erjuang erbahan simehuli. Sienda la menukah ngelakokenca, sabab la;al sibage perayakenna tentuna arus ngasup ngampar bana ras sura-sura daging kula. Adi langa ngasup ibas sie labo nggit erjuang guna kedamen. Kenca erbahan pilihenta e arus tetap dinging bulat ukurta ibas rusaha ndalanken kerina simehuli alu erbahan perdamen itengah-tengah kegeluhen enda.

Bageme kita moria, selaku ndehara, nande ibas jabu ras masyarakat, kita arus tetap mereken usihen si mehuli man kalak si isekelewetta, alu la erbahan si jahat janah bulat kal ukurta guna maba dame ibas kegeluhen. Moria iarapken jadi agen; juru dame ibas kerina dampar kegeluhenta. Labo lit ngasup ras gegehta Dibata simpengasup kita.